

# **VISCHNAUNCA DA VUORZ**



## **REGULATIV DAVART LA REGLAMENTAZIUN DA PARCADIS PUBLICS ELLA VISCHNAUNCA DA VUORZ**

**Cuntegn:**

Art. 1	Intent
Art. 2	Parcadis
Art. 3	Limitaziun
Art. 4	Uorden da parcar
Art. 5	Diever dallas rundellas da parcar
Art. 6	Lubientschas extraordinarias
Art. 7	Scamond da parcar igl unviern
Art. 8	Diever duront fiastas ni occurenzas specialas
Art. 9	Fin dil temps da parcar
Art. 10	Puniziuns
Art. 11	Determinaziuns finalas

**Sebasond sin la decisiun da principi positiva alla radunonza communal dils 01 da zercladur 2007 partenend il regulativ da parcadis, ha la suprastanza communal relaschau in regulativ davart la reglamentaziun da parcadis publics en la Vischnaunca da Vuorz.**

**Art. 1**

Intent Il reglament da parcadis ha per intent da reglar il temps da parcar sils parcadis publics, far uorden cul parcar e cheutras augmentar la porschida da parcar el vitg, impedir al singul la pusseivladad da parcar a liung temps ni permanend e scaffir la pusseivladad d'in scamond da parcar aschinavon ch'ei sedamonda en cass da rumida da neiv ni per l'organisaziun da fiastas ni occurenzas el vitg.

**Art. 2**

Parcadis Reglamentai vegnan ils suandonts parcadis a Vuorz:

- parcadi a Demvitg (sut la baselgia)
- parcadi sper la stizun Volg
- parcadi a Crap Martin

En cass d'ina realisaziun da novs parcadis publics sa la suprastanza era reglamentar tals.

**Art. 3**

Limitaziun Sin ils parcadis publics cun la tabla ufficiala (signal 4.18 tabla da parcar cun rundella) astga vegnir parcau per in temps da max. 3 uras.

**Art. 4**

Uorden da parcar            Ils vehichels ston vegnir parcai conform agl uorden enteifer las lingias signalisadas, respectiv tenor la tabla directiva.

**Art. 5**

Diever dallas rundellas da parcar            Immediat suenter haver occupau il plaz da parcar ei da metter veseivel davos il paravent (finiastra frontala) dil vehichel la rundella da parcar per saver entras controllas erruir il temps da parcar.

**Art. 6**

Lubientschas extraordinarias            La suprastonza sa excepziunalmein dar lubientschas extraordinarias da parcar permanent sin in parcadi public, denton senza garantir il plaz. Per dar la pussevladad da parcar permanent a possessurs da vehichels da colonias che affiteschan baghetgs da vischnaunca sa la suprastonza reservar singuls plazz da parcar durant quei temps.

**Art. 7**

Scamond da parcar igl unviern            Per garantir la rumida da neiv durant igl unviern vegn relaschau in scamond da parcar la notg naven dallas 02.00 uras entochen las 07.00 uras naven dils 01 da december tochen ils 31 da mars.

**Art. 8**

Diever durant fiastas ni occurenzas specialas            En cass da fiastas ni occurenzas specialas sa la suprastonza tenor basegns scumandar a tuts da parcar sin ils parcadis publics.

**Art. 9**

Fin dil temps da parcar            Cun excepziun dallas lubientschas extraordinarias, ston possessurs dislocar lur vehichels suenter il temps lubiu da treis uras. Occupar il plaz da parcar cun tschentiar suenter la rundella da parcar ei buc lubiu.

**Art. 10**

Puniziuns            Cuntravenziuns encunter quei uorden vegnan castigadas tenor l'ordinaziun executiva tier la lescha federala davart il traffic sillas vias, relaschada dil Cussegl Grond.

**Art. 11**

Determinaziuns finalas      Quest reglement passa en vigur suenter l'approbaziun entras la radunonza communal e suenter che la reglamentaziun dils parcadis ei legalmein valeivla.

**Approbaus dalla radunonza communal dils 29 da zercladur 2007.**

**En num dalla radunonza communal:**

Il president:

Igl actuar:

*Conrad Dalbert*

*Giovanni Damiano*